

A B S T R A K

Tajuk kajian ini ialah " Doa dan zikir dalam kehidupan masyarakat Islam di Malaysia (Kajian Kes di Daerah Besut, Terengganu)".

Kajian ini bertujuan untuk memenuhi salah satu syarat bagi melayakkan penulis mendapat Ijazah Sarjana Muda Usuluddin, Akademi Islam, Universiti Malaya.

Selain dari itu, penulis juga berpeluang untuk membuat penyelidikan terhadap satu tajuk yang telah dicadangkan, dengan melakukan temuramah, mengumpulkan data, mentafsirkannya serta mencari beberapa kesimpulan daripadanya. Kesemua ini penting untuk memberi pengalaman kepada penulis dalam menangani sesuatu masalah atau persoalan hidup masyarakat.

Kajian ini juga membolehkan penulis untuk menambahkan pengalaman dalam usaha untuk meluaskan ilmu pengetahuan dan pengalaman sepanjang menduduki pengajian di Akademi Islam-Universiti Malaya. Ini menjadi pendorong dan bekalan utama penulis setelah tamat pengajian dan berkecimpung dalam masyarakat kelak.

Penulis telah membahagikan kajian ini kepada lima bab. Kelima-lima bab berkenaan ialah bab Pendahuluan, yang pertama. Bab Kedua ialah Ibadah doa dan zikir; kaifiat dan kemakbulannya, bab Metodologi, bab Amalan Doa dan Zikir dan Kesannya bagi penduduk Islam daerah Besut dan bab terakhir ialah Penutup.

Dalam Bab Pertama, penulis menyentuh tentang latar belakang masalah, pengertian tajuk, tujuan penyelidikan, metodologi dan akhir sekali susunan penulisan.

Dalam Bab Kedua pula, penulis membicarakan tentang definisi ibadah, doa dan zikir, adab-adab melakukan kedua-duanya, fadhilat yang diperolehi daripadanya dan juga tentang kemakbulan doa.

Manakala dalam Bab Ketiga, penulis menghuraikan tentang metodologi yang telah digunakan dalam usaha penyelidikan dan penulisan kertas projek ini.

Seterusnya dalam Bab Keempat, penulis membentangkan tentang pengananan penduduk daerah Besut terhadap penganalan doa dan zikir da-

lan kehidupan seharian mereka. Ianya meliputi sebab-sebab kedua-dua ibadah ini dilakukan, cara-cara mengamalkannya, kepentingannya, keberkesanannya dan kesinambungan kedua-dua ibadah ini dalam kehidupan berkeluarga dikalangan masyarakat Islam daerah Besut.

Bab akhir merupakan bab penutup, terbahagi kepada dua bahagian. Bahagian pertama, penulis mengemukakan kesimpulan, yang merupakan rangkuman dari keseluruhan bab dan bahagian kedua, penulis mengemukakan beberapa saranan yang difikirkan perlu, untuk perhatian pihak-pihak yang telah disebutkan.

Melalui kajian ini, penulis mengharapkan dapat memberi sahan dalam membantu semua pihak ke arah mewujudkan sebuah generasi Islam yang sebenarnya. Semuga akan wujud pula kajian-kajian lain, yang lebih mendalam dan ditil, tentang tajuk ini, untuk membantu menyempurnakan usaha murni ini.

Imi Raihanah Bt Hashim